

## Hmar - Praying WP Psalms

**Psalms 68:1** Pathien chu hung inthok dok sien, A hmêlmahai hung phin dar sien, A hmaah tlân dar raw hai se.

**Psalms 5:9,10** LALPA, ka hmêlmahai leiin, I felnaah mi thuoi pei la, Ka tuonglam mi siem ngilpek rawh. 9 An bâu thu suok mal khat tè khom, Ring tlâk hrim hrim a um naw a, An lungril sietna'n a sip a, An hnuk chu thlân inhong a na, An lei inpâk dernan a'n khap.

**Psalms 11:6** Mi suolhai chungah mei le kât, Hung insurtir chur chur a ta; Thli lum takin nuoi tawl a ta, Chu ngêi chu an chan ding a nih.

**Psalms 18:14** Thalin hmêlma a kâp dar, Têk a'n tlâktir dum dum a, Hmêlma an tlânse dur dur.

**Psalms 18:17** Hmêlma hrât le dorâl hrâng, Ka cho ruol lo kut a'nthok, A mi san suok tah a nih.

**Psalms 18:39** Râldo hrât di'n i mi'n thuom, Ka râlhài ka ke bulah, I'n bokkhuptir tawl si a.

**Psalms 18:45** An lungril a zâm vong a, Kul a'nthok inthin pumin, An hung suok tah thâm thâm a.

**Psalms 27:11** LALPA, i ditzawng mi hril la, Mi'n chàntu hmêlmahai leiin, Lam indikah mi thuoi pei rawh.

**Psalms 35:1-8** LALPA, mi beitu hai bei la, Mi dotu hai hi do ve rawh. 2 I phaw chawi a, awmphaw hâkin, Mi thangpui din hung inthok rawh. 3 Fei inlet a, kawlnhâm phawiin, Mi hnottu hai lo dang tlat la, "I sandamtu ka nih" tiin, Nangin ka thlâ hi hung huol rawh. 4 Mi that tumtu hai inzakin, Sukmuolphoin um hai sien la, Ka sietna ding phiertu hai chu, Chi-âiin tlânsie hai sien la, 5 Thli lên hmang bu sî ang elin, LALPA angelhan hawl hmang sien; 6 Thimtham le lampui innâlah, LALPA angelhan hnot raw se. 7 A san boin ka'n awkna din, Lên châng arûkin an kam a, Ka tlâkna di'n tlâkpùm an cho. 8 Sietnan hung nang thut tawl sienla, An châng kamah inawk hai sien, An tlâkpumah tla hlum raw se.

**Psalms 52:5** Pathienin pot thlâng a che a, Kumkhuoin sukram a ti che. I puon in a'nthok hnûk suokin, La pot chen neng a ti che

**a; Hringmi laia chêng thei lo di'n, A phawi hmang dai ding che a nih.**

**Psalms 60:12 Pathien zârin huoi taka, Beiin hnèna chang kan ta, Kan ràlhai chîl pher a tih.**

**Psalms 66:3 "I thilthaw a ropui ngei!! hrât khawkhêng êm leiin, I hmaah i hmêlmahai, Tiin an inthin hawp a.**

**Psalms 68:35 A hmun thienghlima um Pathien, Israelhai Pathien ngei chu, A lo va tium ngei de aw!Hràtna le thilthawtheina chu, A mihai kuomah a pêk hlak. Pathien inpâkin um raw se!**

**Psalms 70:1 Aw LALPA, v lunginsiettakin, Hung vat la, mi hung san suok rawh.**

**Psalms 71:13 Mi beitu hai chu muolphoin, Sukboh mang ni vong hai sien la, Ka sietna ding zongtu hai chu, Inzakin hmâimawk raw hai se.**

**Psalms 76:12 Ama chun lalhai lungril khom, A sukdul thei vong tlat leiin, Khawvel lalhan an tì a nih.**

**Psalms 118:10 Hnam po poin an mi'n huol a, LALPA hmingin ka hnot dar vong.**

**Psalms 118:12 Khuoi hon angin an mi tuom a, Hling buk kàng angin an ral a, LALPA hmingin ka hnot dar vong.**

**Psalms 149:8,9 An lalhai chu khaidieta khitin, An hotu hai kol inbuntirin, 9 An chungthu rêl tah chu hlen raw se-A mi thienghlimhai ropuina di'n. Haleluia.**

**Pastor T. John Franklin  
Church of Salvation, Healing, and Deliverance  
COS-HAD.org**